

## LE DIOGENE FRANÇOIS. ET REPONS.

au même

**I**L semblera à plusieurs que ce n'est pas vn grand mystere que ie propose sur le tapy, mais vn cōpte de vieille, me voyant ramenteuoir aujour d'huy aux François l'Histoire du bon homme Diogene, lequel avec sa lanterne, tracassoit parmy la multitude du peuple qui estoit assemblé en la grand place d'Athenes pour chercher ce qu'il ne trouuoit pas. Et cōme il se void importuné de declarer que c'estoit, respondit brusquement qu'il cherchoit vn homme, Non de ressemblance seulement : mais tel qu'un homme doit estre & paroistre.

Or de ceux cy ne s'en rencontre il pas si aisement comme le vulgaire estime : car tel pense estre digne de ce nom, qui en effect se trouue a l'ombre avec les bestes, quand le Soleil est couché, c'est ce que ce Philosophe vouloit représenter par sa recherche.

S'il a fait ce traict dans la ville d'Athenes, que l'on a estimé la Pepiniere qui a produit les plus grand esprits de la Grece, & ou l'on disoit que les hommes naissoient sages de Nature. Qu'eust il fait maintenant dans la France ? il se peut dire avec verité qu'il y a plus de peuple : mais moins d'hommes que iamais, Dieu en cela distribuant & retirant ses graces selon qu'il veut bié heurer ou affliger vn Estat. Aussi voyons nous que menaçant la ville de Ierusalem, il luy fait dire par son Prophete, *Auferam a vobis validum & fortem, virum bellatorum et consiliarium.* Je retireray du milieu de vous les ames genereuses ? Ce que Pybraca compris en ce quatin.

*Quand tu veras que D I E U au Ciel retire*

*A coup a coup les hommes vertueux,*

*Dis hardiment, l'orage impetueux*

*Viendrabien tost esbranler cest Empire*



Combien que l'homme soit le plus accompli animal de la Nature, neantmoins il se remarque que c'est celuy à la perfection duquel elle m'aque le plus, & que pour vn qu'elle nous donne heroique, elle en produit vne infinité pleins de deffectuositez, soit de corps, soit d'esprit: De sorte qu'il faut quelquesfois des siecles entiers pour en produire vn de genereuse nescance, & de conduite pareille.

Cen'est pas vne petite récontre que d'un homme: Le Turc, quand il veut signifier vn grand personnage il l'appelle *homme*: Le grand Seigneur haranguant ses Bachas, & Capitaines, les nomme simplement *hommes Musulmans*, tant il donne d'aphase à ce mot, l'Espagnol vse de celuy de *Varon*, pour dénommer vn homme de merite *nasca mi hijo Varon*, disent les Dames Espagnolles en leur souhaits, que mon fils naisse homme: Et est a noter qu'en ceste langue l'*V*, se prononce comme vn *B*, & proferent ce mot comme celuy de Baron, lequel anciennement ne se donnoit aux François que pour tiltre de valeur, & de fait, les *Baronnies* out pris source de là, comme estant la recompence des preux Cheualiers Barons, qui depuis sont tombees en succession par desordre, sans plus estre conferees à la Vertu.

Ainsitout va en declin par l'ignorance ou malice, ou negligēce de ceux qui s'ont aux charges publiques, qui laissent le vaisseau qui leur est commis, à l'abandon de tempestes: C'est pourquoy il est vray de dire, que les Republiques tombent plustost en decadēce faute d'hommes que faute de moyens & richesses: D'autant que la generosité acquiert ou conserue, & la pusilanimité ne scait conseruer ce qu'elle possède.

Si iamais la France eust besoin d'hommes, c'est aujour d'huy: Toutes les parties de cest Estat sont malades, la plupart le preuoit, chacun l'aprehēde en ge-



neral, & nul en particulier ne porte le bras pour le secourir. Considérant en moy-mesme qui en pouuoit estre l'occasion, le suis deuenu Diogene, l'ay trouué qu'il y a plus de barbes que d'hommes, que chacun ne pensoit que pour foy, & que peu preuoyent, que la vraye fortune du particulier doit estre enuolopée dans le bien public : Maxime que la plus grande partie de nos François ignorent, & qui pour ne vouloir contribuer au salut de l'État, tost ou tard contribuëront au malheur d'iceluy.

C'a esté le motif qui m'a fait conduire mon Diogene dans Paris: Le m'en fusse volontiers excusé, pour la crainte que i'auois que sa lanterne ne fust prendre la cheute aux Parisiëns, estimant qu'il se voulust moquer d'eux, & ramâteuoir la lanternerie de la place Royale: toutesfois il n'est pas temps de se railler, mais de s'alerier, pour la cōseruation de la personne du Roy, & du Royaume. Voyons donc ce qu'il fera, faisons luy tout voir: il sçait nostre mal, la question est s'il rencontrera des hommes pour y apporter le remede.

Commençons par le plus saint & sacré, faisons luy contempler le corps Ecclesiastique, & sur tout, ceux qui pour l'esperance de l'escarlatte, bastissent sur le dos de leur Roy & bienfaicteur, la grandeur d'autruy, pour faire regner temporellemēt par la subuersion des Monarchies, celui qui ne doit viser qu'à vn Royaume spirituel, qui de maximes impies en formēt des articles de foy, pour induire les suiets d'attēter à la vie de leurs Princes, maximes qui ont forgé les cousteaux de Clemēt, Barriere, Chastel & Rauaillac, qui veulent vassellager ceste courōne pour la mettre au ban, à la passion estrangere, qui se plaisent à la nouveauté de ces propositions, & qui exposent les plus salutaires Arreſts de ce grand Parlement à la censure: Viens, Diogene, viens, es tu sour-dy, viēs vistement, &



cherche parmy ce corps quelque homme pour defendre l'autorité de nos Roys, rembarrés l'ingratitude de ceux qui veulēt reuestir autruy des despoüilles de la Frâce, sans cōsiderer qu'ilsluy doiuent leurs biens & leurs fortunes, apporte ra l'autetne, voy exactement si tu y trouueras quelque bon defenseur des priuileges de l'Eglise Gallicane, & qui face rougir de honte ceux qui retranchent les Conciles de Constance & de Basle, du rāg des Cōciles generaux, d'autant que par iceux ces propositions nouuelles sont absolument condamnées. Ha, sainte harpe de David! qui iadis chassois les mauuais démons, où es-tu maintenant, N'est ce pas chose estrange que les François deuiennēt viperes pour deuorer la mere qui la nourrist.

Au lieu de nous ressentir de ce que l'on nous a priué de la part que nous auions à la chaire de S. Pierre, au lieu, dis-ie d'en demāder raison, nous poursuuiuons fortement vne vsurpation temporelle sur les couronnes, a laquelle nous n'aurons iamais part, où est nostre entendement, Diogene? point d'hommes, point d'Enesques que d'*Angers*, que de d'*Angers*.

Quoy, Messieurs, ne vous souuient il plus d'auoir veu conduire en vne Bastille les principaux du Parlement? Acte commis par les supposts de ceste doctrine qui soustenoient auoir bien fait en violāt le saint liēt de Iustice: pource, disoient-ils, qu'ils estoient heretiques ou fauteurs d'heresie, ennemis de Dieu & del'Eglise: ainsi qu'alifioient ils les fideles seruiuers du Roy, autant en veut-on faire maintenant. Il n'y a autre difference, sinon que ce que l'on preschoit a un peuple forcené contre son Prince, on le veut faire croire à la Maiezté contre le Parlement. La Ligue a rendu les ignorans sages: ceux contre lesquels vous vous desbordez sont cognus par leur vie, actions & deportemens, pour personnes tres Catholiques: ce



§

pendant on les vouldroit abandonner à la fureur d'une populace imbuë de ceste doctrine, qui n'a autre obiet que la vie de nos Roys & soustenement de leurs subiects: & partant iustement condamnez par les Arrests de ceste Cour souveraine.

Pardonnez, Messieurs, à nostre Diogene, si se recognoissant l'une de vos oüailles, il parle neâtmoins si hardiment, non contre les superieurs: mais de les superieurs en l'Eglise, contre aucuns d'iceux seulement, sçachant bien que vous n'estes tous portez au profit de ceste nouveauté, il recognoist vostre autorité que vous estes par la grace de Dieu Euesques, successeurs des Apostres, que tenez rang de Princes en l'Eglise, selon le rāg qu'il a pleu à Dieu vous donner en l'ordre Hierarchique, ayant par dessus vous les Archeuesques & Primats, & pardessus tous le Pape, chef & Primat de l'Eglise vniuerselle, qualité qui ne peut empescher vos charges & fonctions, puis que les tenez de Dieu: Mais ce dequoy Diogene se fasche, c'est de voir que ceux qui ne recognoissent qu'une puissance en l'Eglise, destruisent les vostres, bien qu'inferieure à icelle, sappans l'autorité des ordinaires, pour aggrādir ceste impuissance à laquelle ils se sont voüez. Ils passent outre, car de la ils se iettent sur les couronnes, ce que nous auons experimenté plus que iamais, depuis le miserable coup de Rauillac, ne s'estant passé année qu'ils n'ayent mis en lumiere quelque liure sur ce subiet pour troubler le repos de la France, C'est ce qu'a peu faire le Parlement, de s'opposer à ce feu: & de là prouiet la hayne que quelques Ecclesiastiques portēt a ce Senat, ainsi qu'il a apparu en l'assemblée des Estats generaux.

Passons à la Noblesse, voyons si elle ressemble à ces vieux Pallatins Gaulois que nous lisons aux histoires auoir respandū tant de sang pour empescher



la cheute de cest Estat, qui eussent plustost perdu la vie, que d'endurer aucune chose au preiudice de nos Roys, il semble que tout soit abastardy maintenant: Car nyl'exemple de nos ancestres, nyle mespris que l'on fait de vous, ne vous eschauffe en rien le courage, tant la coyonnerie s'*Ancre* par tout.

L'apprehende nostre perte quand ie remarque en nos ennemis plus de vertu que parmy nous, estans, sans comparaison, plus affectionnez au bien de leur Prince & de leur patrie: l'Espagne produict de fideles seruiteurs à son Roy, ils tachent de faire leurs fortunes comme icy, mais ce n'est iamais en trauerfant les affaires du Prince ny de son Estat: Que ne l'imitons nous en cela? Nous ne voyons pas en France des Dom Christophle de Morany, d'Antheine de Prada; le premier si tost qu'il vit que le conseil d'Espagne ne se gouuernoit si prudemment qu'il faisoit durant le regne de Philippes second, apres auoir remonstré que l'on quittoit le chemin qu'auoit tenu ce sage Roy, il se retira en Portugal, plustost que de voir passer en sa presence chose tant soit peu preiudiciable à la Couronne: L'autre vit content en son iardin, contribuant seulement de conseil au fait du gouuernement, sans briguer dignité aucune, encore qu'il ne possede que peu de biens.

Esclaire, Diogene, & voy si tu en trouueras en France beaucoup de pareils, j'ay peur au rebours qu'il n'y remarque des François qui vendroient le Roy & le public, pour vne simple esperance de pension: tu y rencontreras des gens qui y porteront la chaise persee, pourueu qu'ils ayent entendu leur dire *Monsieur, Monsieur, venez à my ie fero pour vous*. Mots qui ont fait plus de coyons, que l'Oriflambe des braues Champions: Cachez vous (diray ie Noblesse) cachez vous que Diogene ne vous enuise, ce n'est pas vous qu'il



cherche, mais s'il vous rencontre, il vous traittera avec la chandelle, comme les enfans traitent maistre Pierre du Coignet: Ne rougissez vous point de hôte? Ne reconnoistrez vous iamais la bassesse de vos ames: quittez l'espee, prenez l'escritoire, l'on vous fornira de papier & d'*Ancre*. pour descrire vos lachetcz quelle pitié de voir vne Noblesse valletier vn homme qui ne vaut rien ny pour la guerre ny pour le Cōseil: qui a cause de ses demerites ne s'ose presenter au Parle-  
 ment pour se faire recevoir, en sa charge pretendue, qui abbaye apres les biens des meilleures familles du Royaume pour esleuer sa pierre parenté & celle de sa femme en Italie a qui englouty les tresors du feu Roy, qui vous morgue en luy aidant à establir sa fortune, Il a bien raison de vous appeller Coyons, avec nostre argēt il vous a despoüillez de vos Estats, places & gouvememens ensemble de vos honneurs il fait des pensionnaires dans tous les corps de Iustice pour autoriser ses iniustices il pratique des Partis avec lesquels il s'entent pour rançonner le peuple. qui du massacre de la noblesse projette le rauissement de leurs charges, qui mettra les Officiers à la mercy des assassins pour en auoir les despoüilles, Que diray-ie plus, qui offre à sa fille en mariage plus que le Roy d'Espagne ne dōne à l'Ifante, ny le Roy à Madame sa sœur: Cachezvous Biogene de desesperé qu'il faille qu'un homme ecclesiastique vous remette la valeur deuant les yeux. Je ne parle point des grands Pairs. non ce n'est point d'eux que ie parle: mais seulement de ce Flaque qui desseigne vne alliance laquelle ruinerà l'Estat. Je ne parle dis-ie, de ce que ie vois & preuois. S'il y a quel que chose de chargé es cœurs de telles ames, Il m'est deffendu de donner plus auant, y pense qui voudra. Mais ie croy que c'est la raison pourquoy l'effigie du feu Roy qui est sur le pont Neuf, tourne le dos au



Louure pour ne voir ce qui s'y passe.

Hé bien Diogene, ira-tu aux hostels de ceux qui vuident leurs logis d'honneur pour les remplir de pistoles & de vitupere à la posterité. Où est tu grand Fabi<sup>9</sup>, & toy Cincinnatus que l'ennemy du peuple romain ne sceut iamais vaincre par presens? n'y l'ambition de rien gagner sur vostre pauvreté. O ames diuines que direz vous de voir nos François si maniable au son de l'argent? ne vous corrigerez vous iamais de ce deffaut, si ferez. Vn de nos Princes a fait vne acte si vertueux, qu'il seruira d'exemple, dis-ie rare, & d'autant plus recommandable que durât cest ardeur d'auarice qui regne, il n'a non plus voulu toucher à la beauté de quatre cens mil escus qu'on luy offroit pour son gouuernement, que ce braue Alexandre accerte de la femme de Darius: Surgeon de la maison d'Orleans, branche entree en la famille de nos roys, le Ciel te benisse & fasse croistre en perfection. Car qu'en doit esperer la France en sa maturité si en sa premiere adolescence il a desia rendu tant de tesmoignage de sa generosité. Ha! que Diogene souhaite au Royaume pour ses Estreines beaucoup de personages de pareille vertu.

Que dis-tu Diogene, prendras-tu la hardiesse d'entrer dans le Louure pour y considerer la personne sacree de nostre Roy. Je sçay que tu diras, car tu es bõ François, qu'il semble que l'on desire plustost qui soit long temps enfant, que bien tost homme, il faut que ceste liberté eschappe à Diogene, d'autant qu'il est du naturel des Dames, qui aprehendent en Mariage la rencontre des Maris, qui ne sont vrayment homes, Il voudroit que sa M. dementist son aage, à quoy vne genereuse nourriture luy seroit vn grand aduantage, ayant desia la nature bonne pour luy,

L'Empereur Charles Quint, eut cest heur, que des  
l'aage



l'aage de quatorze ans on l'occupoit dans les affaires, on le faisoit assister au Conseil, non pour y commettre des actes d'enfantillage, mais pour y escouter les propositions & resolutions des affaires, on ouuroit & lisoit on deuant luy les paquets des Princes estrangers, on luy monstroit les dépesches sur iceux, on traictoit en sa presence toutes sortes de maximes importantes au gouuernement, & pour luy esguiser l'esprit & le courage, on luy ramenteuoit à toute heure les ennemis de la maison de Bourgongne, avec vn desir violēt de s'en venger: De fait il l'a bien monstré & la France la bien esprouuē à son malheur, que on l'auoit faict homme. C'est ainsi le chemin qu'il faut tenir pour le deuenir, nul n'a tant besoin de l'estre que les Roys: Helas! que c'est vne grande misere quād il faut chercher des Princes en plain iour; Cela est excusable pour le commun, mais le sang Royal, doit comme vn Soleil, esclairer dès son Leuant, & donner dès le matin des rayons de vertu sur ses subiets.

La Mere des deux Gracchus Romains disoit, que la bonne nourriture estoit vne double naissance aux enfans, c'est enuers les Princes, que ceste sentence se doit plus exactement pratiquer. L'on doit a l'enuy trauailler a fortifier leurs esprits. C'est ce que Diogene & le Caton François remarquēt estre plus necessaire à sa Maiesté, luy & le Royaume ont besoin de le voir bien tost homme, si bien tost ne voulōs souffrir vn grand Eclypse dans l'Estat. Mais quoy? au lieu de remedier a ce mal, on tasche a rendre criminels de leze Maiesté ceux qui descouurent le pot aux roses.

A la Cour, Diogene, il ne faut pas tout dire, ie ne te conseille pas d'y estre plus longuement, il te faut faire vn tour dans le tiers Estat, tu y pourras trouuer des hommes, au moins tu y oras prou discourir du bien public, tu y remarqueras beaucoup plus de Cicerons



que de Catons, a bien faire il ne faut point tant de discours, ny faire servir la balance de Iustice, de trébuchet a peser l'or, ny faire des reglemēs de police, non a dessein de soulager le peuple: mais pour tirer argent des mestiers, & faire venir des prouisions & fournitures de mesnage, aux hostels des Magistrats. Diogene, mon amy, ie crains que tu les trouue aussi corrompus que les autres, & tout *de Mesme*, tout *de Mesme*, Bourgeois, Officiers, Marchands, Ouuriers, Laboureurs trompent comme les autres, tout *de Mesme*, tant le desordre regne par tout.

La police des Huguenots est elle plus seine ? il y a autant de māgerie parmy eux que parmy nous: Dieu nous veille tous amander, il n'y a gueres plus de bien à la Rochelle qu'à Rouen, la belle ville que Lyon, le *Rosne* y passe, qui est encores capable de servir le Roy, aussi bien que Grenoble, qui ne le *Desdit* gaire. Ce qu'ils ont de bon plus que nous, c'est que l'on ne craint point qu'ils se rendent Espagnols, on sçait qu'ils sont fermes François: du reste, les Iesuites se plaignent fort & ferme de ce qu'ils ne les peuuent conuertir, & que la caballe Huguenotte devient aussi politique que la leur, & sont contrains de faire *Binet*.

Ne t'amuse point d'auantage parmy eux, Diogene, fais vn tour dans le Parlement, mais ne ressemble pas a ce Vvallon qui brusloit de voir le Mareschal de Biron lors qu'il passa en Flandres, ce paysan party de sa maison pour aller à Bruxelles, où si tost qu'il eust enuisé le Mareschal & quelques autres, il fit Gilles, cōme l'on dit, & *s'En reuint*. Il ne faut pas icy faire *de Mesme*, il faut tout contempler, tu y trouueras des hommes: mais peu à la verité. O quel malheur! anciennement c'estoit l'Asyle des Princes & peuples estrangers, où l'on accouroit de tous eudroits, comme à l'Oracle d'Apollon en Delphe, pour y auoir du soulagement



& resolution aux affaires importantes. Où l'on remarquoit qu'autant de Conseillers, estoient autant de demy Dieux. Pourquoy ne voyons nous plus, cela? Qu'estes vous deuenus, ames Diuines? *au Pol estes, au Pol estes*, vous detestez de là haut la venalité de nostre Iustice, Cela cause que ne daignez plus auoir soin du lieu où vous l'auiez autrefois exercée avec tât de dignité & de preud'hōmie. Cerche, Diogene, dans ce sacré Senat, tu le contēpleras anatomisé de factiōs diuerfes. Ce n'est plus vn corps entier & vigoureux, la cangrene de pensions le mange tous les iours. Ce n'est plus le tuteur de nos Roys: Pour le moins s'il à la volonté d'en cōseruer le tiltre, il ressemble aux corps alangouris & mourans, a qui la force manque d'excuter leurs fonctions. Reprēs cœur, tu seras *Se-Condé*, Ne vois tu pas que l'on veut faire croire que tu n'es plus capable de cognoistre les affaires d'Estat, que l'ō te veut arracher poil a poil cōme la queue du cheual: Reconnois tes fautes, reüny toy pour secourir ton Roy: Prens pitié de son bas aage, afin que l'on puisse dire que nous auons encore des hommes. Il y en a, & y en auroit encore d'auātage si l'honneur ne coustoit si cher. Voila pourquoy l'on ne vous voit plus çà bas, ames Diuines, *au Pol estes*, O auarice que tu as fait vne playe mortelle dans l'Estat! Ainsi l'antique Rome se perdit si tost que l'argent trouua entree aux charges. Que deuous nous craindre auiourd'huy? *he las!* nostre mal seroit en quelque façō suportable si l'on pouuoit longuement viuoter dans ce desordre: Mais il faut que ce mal nous tuë, ou que nous le tuyons; c'est la verité, quelques raisons specieuses que l'on propose au contraire: Dessillons nous les yeux, chassons les humeurs cacochymes qui atrophient ce Royaume, d'où procedēt les brauades qu'auiez receu, Messieurs sinon de ce que l'on vous cognoist diuisez & gaigna-



bles? Ce n'est pas ainsi qu'il se faut monstrier hommes. Sacré Senat resouds toy à bien faire, & tu seras *Se-Condé*.

Madril preuoit bien qu'il n'y a plus d'hommes en France, c'est pourquoy la prudence Espagnolle trouue qu'il faict bon traicter d'alliance avec nous. Plus vne beste est niaise, plus on la mene paistre aisément. La minorité est vn aage d'or pour l'ennemy, & vn siecle de fer pour les subiers. Adioustez à cela la venalité: Car en France tout est a vëdre, & si Dieu n'a pitié de ce Royaume, i'ay crainte qu'un de ces matins l'on ne voye vn escriteau de Pallais a vëdre à la grand porte du Louure. Le Ciel puisse tousiours conseruer nostre Roy, pour en détouruer le malheur. Mais Diogene crie tout haut cōme le Paralytique, que la France n'a point d'hōmes pour la porter en la Piscine, afin de la guerir. Hé quoy! la laisserons nous mourir? Les Prelats n'en auront-ils point pitié? ne sera elle pas assistée des Grands, des Officiers, & des *des-Pairs non*, Ha pauvre Estat qui n'a plus d'hommes! tachōs au moins de le deuenir. C'est le plus bel animal que Dieu ait créé, Il se plaist à le contēpler comme vn chef-d'œuvre admirable. Et l'homme mesme sert d'admiration à l'hōme quand il est vertueux. Il n'est celuy si lasche qui ne sente eschauffer son ame au recit des gestes valeureux de nos vieux Gaulois. Nous en sommes issus, François si nous ne les pouuōs imiter en conquestes, imitons les a deffendre ce qui nous ont laissé. Ne cōsentons par ferardise à la dissipatiō de cet Estat. La gloire que nous en laisserons a nos enfans sera plus riche que l'amas des Pistolles. Ceux qui sont descendus de ce braue Côte de Dunois ont plus d'allegresse en escoutant racōter les prouës que ce genereux Prince a fait chassant les ennemis de ce Royaume, qu'ils n'ont de plaisir auiourd'huy à posseder la succession.



ez François , que quiconque est vertueux  
dinairement biens & honneurs à ses enfans:  
Car qui a de la vertu , a du credit , qui a du credit a de  
l'autorité , & qui sçait paruenir a ce degré ne man-  
que de posséder ce qui est nécessaire à la grandeur  
d'un homme de courage. Il est vray que ce chemin est  
plus long pour s'enrichir que l'autre, mais en recom-  
pence il est plus glorieux & durable.

Si nous tenions ceste voye , l'ennemy nous redou-  
teroit , le bien public prosperoit , nostre renommée  
fleuriroit, Les petits n'auroient la hardiesse d'eniam-  
ber sur les grands pour les despoüiller. Hé, qui les red-  
ain si temeraires ? C'est qu'ils croyét que les François  
ne sont plus hommes. Ce mesme defaut fait que les  
femmes gourmandét leurs maris : Et voila comme la  
France est déchirée en tous ses mēbres. Ce plat pays  
mangé par des partisans, d'impôts, & de sel : Ne se-  
rons nous iamais deffalez en deux façons ? les Prouin-  
ces seront-elles tousiours pigeonnées & reduites a tel  
point de malheur que l'on ne void tantost plus dans  
le Royaume de village ny de *Bour-bon*. C'est vne se-  
cōde raison pourquoy l'ennemy desire nostre alliāce.

Te voila bien estonné, Diogene, que feras tu ? ne te  
desespere pas encor , possible que tu trouueras des  
hommes aux Augustins, s'il en reste en France ils doi-  
uent estre là dedans : s'il y a de l'esperance au mal qui  
nous possède, c'est delà que nous le deuons attendre.  
Il n'est pas croyable qu'ils se fassent appeller coigne  
festus, s'ils le font, le peuple en sçaura bien dire sa ra-  
telée, il en murmure desia assez.

C'est en ce Sacré lieu qu'il faut parler vieux Gau-  
lois , ce n'est pas tout de ce mocquer d'un estranger  
qui iargonne mauuais François, il le faut reprédre, &  
prudemment se garder des fauces trappes de Castille:

Il y a long temps que l'Espagnol faict l'amour à la



France, Il *Brusle ard*, & petille de l'engloutir, hélas! qu'il a beau ieu, Ne vous esmerueillez pas, *si le ry* luy plaist, non ce n'est sans suiet *s'il rit*: & rira voyant la riche physionomie de ce beau Cheualier à la grande Croix; il connoistra bien par là que nous auons peu d'hommes: Il remarque nos diuisions & mauuais mesnage, il iette là dessus les fondemens de sa future grandeur il pretend part au bris du vaisseau: Nous ne preuoyons quand il nous aura attrapez & embrouillez en guerre ciuile, hélas François! que nous serôs *Ianins*, comme l'on dit en badaudois, que nous serôs *Ianins*.

*Tolle Dole*, cryoient les Iuifs, mais les Menuisiers disent, qu'il ny a bois si noüeux, qu'un bon rabet ne rende poli & *Dolé*, ny mal si grand a quoy vn cœur genereux ne remedie. Rendons iustice à nous mesmes, Seruons fidellement le Roy, L'on n'est point blasme d'establisir sa fortune pres de sa Maiesté, pourueu que soit par recompences des bons seruices. Il faut aimer Alexandre, non pour ses liberalitez seulement, ains pour ses vertus, Nature & la Loy nous oblige à ce deuoir, Diogene recongnoist les bons seruiteurs quand il void que leur interest particulier ne marche deuant celuy de leurs Maistres.

Et toutesfois la venalité qui regne parmy nous: Que l'on s'enqueste tant que l'on voudra, l'on ne scauroit remarquer vn si sale trafic en toute l'Europe, scauoir mon si les honneurs, les Gouuernemens des Prouinces & des places se vendent en Espagne? ce seroit vn crime de l'auoir seulement pensé; En France, c'est habileté de les maquignonner, & gloire de les emporter par telles voyes, ce qui aliene la naturelle obligation que le suiet doit à ses Princes, en ce qu'il n'estime l'establisement de sa fortune, que du fond de sa bource.

Recongoissons donc nostre mal, ne recullons plus



à nous monſtrer hommes, il ſemble, que la beauté du nom Maſculin ſoit Hermaphrodiſé parmy nous, auſſi ne parle on plus maſle aujourd'huy, l'on dit Souleil pour Soleil, chouſe pour choſe, Couton pour Cotton, tant nos Courtiſans parlent molement François, & de fait nous voyôs que le Royaume de Conchin aux Indes Orientales, eſt deuenu femelle en France par metamorphoſe coyonneſque, tant on ſe plaïſt à la nouueauté, à voir des auortons morguer les plus huppez de ceſt Eſtat.

L'aſne du commun, dit le prouerbe, eſt toujours mal baſté, chacun ſe reſoſe ſur la vigilance de ſon voiſin, pour racouter ſon bas: C'eſt ce que repreſentoit vne Menuiſiere à ſon Mary, la chalandiſe duquel eſtoit fort enuïée, Mon amy, luy diſoit elle, ne redoutez nullement la caiollerie des François, ils ne vous feront nul deſplaiſir, ils s'attendent tous les vns aux autres pour le faire.

Ainſi le Roy & le public eſt ſeruy, ainſi le mal ſe gliffe. I'ay crainte que noſtre infortune ne reſſemble à celui des Ponts & digues mal entretenus, où l'on remarque tantost la cheute d'une pierre, tantost vne liaiſon s'entrouirir, tantost vne arche ſe deſmentir, les paſſans diſent bien ces digues ſe ruynent; cependant l'on neglige d'y trauailler, puis vne nuit ameine vn rauage d'eau ou deſgorgement de Mer qui emporte tout & ſubmerge le pays.

C'eſt ce qu'il nous faut apdreher, les menaces de la ruyne de l'Eſtat ſon appareutes, il eſt aiſé d'y remedier en mettât l'intereſt particulier ſouz le pied, ſi nous ne le faiſons la digue creuera, & nous trouuerôs inondez dans le deluge general. N'eſt-ce pas choſe deſplorabile, il ny a que quatre ans que ceſte Couronne eſtoit floriffante, redoutée, pleine de grands threſors, paiſible, aujourd'huy elle eſt pauvre, endet-



tée, desnée, d'argent à l'emprunt, pleine de factions  
& preste à s'en aller par lambeaux. Ne conuiens  
plus, si nous attendons à l'extremité à decouvrir le  
mal, l'on ne nous en sçaura point de gré. Ie le sçay  
bien deshier, Diogene, *Veit le Roy*, n'attendons à le  
secourir lors qu'il ny aura plus de remede. Tous les  
beaux esprits de la France sont assemblez pour y auir,  
a bien faire, il ne faut point tant d'artifice, qu'ils  
ioignent seulement la preud'homme avec l'habileté,  
tout ira bien, qu'ils y apportent vne prudence  
sans malice, c'est la drogue qui nous donnera guari-  
son. Helas qu'elle est rare! elle ne se rencontre que  
dans les ames vraiment massés, Telle les cherche,  
Diogene, Dieu luy face la grace d'en trouuer, afin  
qu'il puisse dire tout haut, que la France a encore des  
hommes pour la secourir & empescher son déclin.  
Trauailions y à l'enuy. Quiconque fera bien sera se-  
condé.

## LA FRANCE SOVS LE nom de Catin.

*Misera ble siecle où nous sommes.  
Se disoit Alix à Catin,  
Si ie n'ay du laiët au retin  
Ce defaut me vient faute d'hommes.*







